



黃州府志

卷之二十三  
人物志  
孝友  
耆壽累世  
同居附

29

ル 5  
3258  
24



門 儿 5  
號 3258  
卷 24

黃州府志卷之二十三

黃州府知府英 啟纂輯

人物志

孝友 耆壽累世同居附

宋

黃岡縣

董陽西陽縣人三世同居外無異門內無異煙南豫州刺史舉

以聞詔榜其門曰篤行董氏之閭蠲一門租布 南史附孝義

書云西陽董陽五世同財為鄉邑所美與南史稍異並存備考

元

黃岡縣

黃州府志 卷之二十三 孝友

和丁巳年  
十月八日  
購求

林鳳陽事母孝居宅火負母出避家貲蕩然過客憐之遺以金謝不受治春秋不第奉母屏跡林泉吟詠自適

蕪水縣

周古象元兵掠至薊贅蒙古氏既生子未嘗見喜色妻詢其故曰有母在欲歸省妻許之且屬曰當奉母勿以妾故復來及歸母尚無恙奉事惟謹母沒廬墓不復娶其妻亦終身不嫁淮西守臣幹克莊為立孝里門卒祀鄉賢

羅田縣

吳大中字時夫父疾衣不解帶父沒泣血幾死奉母陳廬墓側閱十有七年母年逾九十無疾而逝大中哀慕終身事聞旌其門曰吳氏孝子卒祀鄉賢

通志作弋陽人入流寓俟攷

黃梅縣

張德懋蘆塘村人母老妻亡傭工以養或與肉食必懷歸奉母值兵亂負母走唐山浚谷中從所識丐米為炊坐母上座跪進之復歌舞以為歡母死廬墓側哀慕終其身嚴仲祥性孝友有子十一人九世同居不蓄私財天曆中旌為

義門

陳子英江州義門陳氏後泰定初徙黃梅十世同居門以內尺帛斗粟無私者元末大饑妻勸異居即出之以明經領鄉薦官提舉

明

黃岡縣

黃岡縣 孝友

王文奎字時曜思戛子髫齡失怙恃鞠於庶母李氏文奎恨弗逮養奉李如母恭事諸兄撫諸姪如己出又置祖祠祀產歲積粟數千斛以貸族鄰尚書安陸孫公額其堂曰孝友李東陽有孝友堂詩序子濟自有傳

王濟字體民文奎子宏治壬戌進士官吏部郎中母沒廬墓服闋任河南參政聞父疾三疏乞歸顓天請代不解帶入內者四年及卒哀毀幾滅性正德中旌表尋起四川參政不就家居置義田義館以贍族人卒祀鄉賢子廷陳詳文苑廷儒廷瞻詳宦蹟名山藏

李文仕性孝友兄某被誣繫獄文仕代赴理死杖下

劉承芳字世美少穎悟善屬文舉止冲雅父母蚤卒事繼祖母

以孝稱仲父幼孤奉事罔懈撫從弟尤友愛以歲貢授同安訓導未任卒祀鄉賢

唐治以掾授冠帶馴謹若儒者父死未葬鄰居火治出貲募人昇柩人各自顧無應者或挽之出治伏柩號哭曰父柩在此吾何生為一時左右數百家俱燬治室獨免柩獲全治以火氣熏灼竟死萬歷閒詔建坊旌之明史附孝義李文詠傳坊後圯康熙閒知縣鍾葦

修復現立有碑在團風鎮

周曰昂字民翹生而篤孝親卒哀毀廬墓三年感白鳩營巢之異有司以聞旌其閭

高澄字汝清諸生讀書行義里中貧者周遺不倦大父得暴疾澄刺血籲天請代疾愈大母目雙瞽澄斷葷酒不入內寢日

以舌舐之二十年而目復明事父母飲食必嘗而後進父疾

枕有百金意以畀季子澄亟使其弟澣枕因而受之父卒廬

墓三年人以其所居在南城凡稱南城公者即謂澄也後獲

旌表子松歲貢柏選貢郴州學正俱以孝稱參通志

陳常智兄常仁嘉靖閒遇變坐戍常智以兄無子詣戍所請代

同戍者白其事尹義之兄得釋代戍一年卒事聞乃歸葬

詹景麟號南山子事父母能盡孝養親卒廬墓蕭山下攀樹號

泣行道傷之評閱書史窮年著述時稱楚黃博洽者必首推

之年三十餘卒三楚文獻錄

王廷槐字稚占麟子嘉靖戊子舉人麟蚤卒終身泣慕事母孝

養備至視身潔潔而喜濟人緩急廣收道殣瘞之歲以為常

卒祀鄉賢子同道詳宦蹟同軌詳文苑

樊鼎遇一名維藩字命夫萬曆壬午選貢授德陽知縣有善政

先是父玉衡請建儲得罪謫戍雷陽鼎遇考績例得封引邵

康生例願停己封代父戍疏再上不報遂去官悲鬱成疾膚

色如琉璃澈見五內未幾卒祀鄉賢明史附樊玉衡傳

劉瀾父沒廬墓三年晨昏號泣不絕萬曆閒旌

王達尊女王城農夫也母病衣不解帶者三年家雖貧隨母所

嗜必力致之母失明日夕舌舐求愈及卒廬墓盡哀

劉思敬彭克永俱割股救親

案傳內止割股一事者係錄王志餘已詳州縣志不備錄

胡心明家貧事親孝友愛兄弟母病籲天求代與弟心孝爭割

殷以進病獲痊

易道昌道且道暹兄弟友愛道昌善飲兩弟則勺飲不入口且暹每侍兄飲必極其歡凡有事三人坐議怡怡如也婢僕雖有分主而役使隨其所便有過徑扑責之不以相告三人無日不促膝一室兄或有疾弟終夜坐牀側視藥不倦弟病兄亦如之道昌字文我道且自有傳道暹詳忠義

易道且

一作道坦

字瞻明道昌弟童時父豫之病危禱於祖割左股

以進尋愈性澹泊修身立行老而彌篤鄉里稱之

徐斐諸生獻賊陷城勒其母為嬰不屈將殺之斐願以身代不

許母遇害斐大罵至割四肢耳鼻罵猶不絕口

一統志

倪士觀諸生母劉氏苦節士觀純孝萬歷時母子俱旌

蕭繼元父為酷吏高維垣冤弊與弟繼凡詣闕上書不得達維

垣乃疑其從弟繼忠為翼誣以盜榜笞且死宗族株累者眾

元語凡曰事急矣有楚伍員伍尚事在我死汝為其生者復

具疏詞極哀切元懷入自剄闕下竟得旨下撫按勘問抵維

垣罪出繼忠於獄凡天啓甲子舉人忠詳儒林

三楚文獻錄

黃孝子逸其名淋頭販人事母孝明末當事給冠衿旌之羣稱

為黃孝子云

汪世極舉人父之渙卒於臨清舟次世極聞訃以頭觸地幾死

匍匐扶柩歸廬墓三年凶歲賑饑全活數千人以薦授通城

教諭卒王一翥為文哭之後祀鄉賢子煉南詳文苑

汪世植字晉卿文淵孫五歲失怙生母范苦節撫之獻賊破團

風母年九十不能行植負母逃賊執之欲挾以去不從遂遇害弟世柱亦篤孝友工文章子嶼南詳宦蹟

張岐鳳諸生寄籍江夏事父母色養如嬰兒既喪廬墓六載曉夕哀號行人聞其聲莫不悲惻嘗有羣虎入其徑岐鳳不為動虎亦帖焉再宿而去山下忽出一泉衝突鳴鳴然與號泣聲相應里人異之因稱為號泉先生欲上其事固辭乃止一時士大夫多為詩歌表之

王志入 國朝今依縣志移入

王崇權字平衡三歲失怙奉母李氏以孝稱為人忠厚謹飭童穉皆親之晚與其妻同享大耋兩受封誥孫澤宏以尙書請得歸養鄉黨榮之卒祀鄉賢子用于詳宦蹟

壬同觀字養所廷瞻幼子年十三父臨沒摩頂謂之曰九吾宗

者必此于也後入國學事母董氏盡孝與兄同鼎友愛無間教十子皆以文行顯壽九十三乃終子追騏詳文苑追騏詳宦蹟

何昌祚字子安閩中子明季選貢安貧好學務求實踐時閩中官蜀道梗昌祚留養於家事祖父直以孝稱母余沒昌祚奔喪自蜀歸值峽中道險每抱棺號泣日夜不絕聲與弟昌祿友愛無間居鄉恂恂重交誼賑荒瘞骼郡邑為立善人碑嘗避亂樊湖盜劫其鄰見火光中羣盜呼曰無驚何善人後僑居江南之童山

王自誠字雲所團風市民也母病篤自誠為嘗糞及卒慟哭死竟日乃甦縣令獎其孝年九十三卒子田見亦以孝稱

祝邦勝字敬甫父尙仁多病勝日夜扶持逾久不懈病篤為營  
奠驗吉凶時咸稱為孝子知府許文岐知縣吳允初皆獎之  
易為瑚字伯賜道暹長子諸生有文名暹死賊時瑚奉母走青  
峯巖團練鄉勇誓殺賊報父仇後卒為賊所殺學使洪天擢  
以父忠子孝額旌之

陳四維字孟達明季諸生性孝友好藏書以資寒畯兼有謀略  
流寇掠蕲黃四維集義勇全活數百人卒後巡按御史汪承  
詔優其文行請祀鄉賢

蕲水縣

王燾七世同居一家三百明史作二百餘口人無閒言巡方御史微  
服造其門有二叟坐見一婦人抱嬰兒至肅然起立問其故

曰此兒雖小諸父行也御史喜曰不謂此閒尚有古風請於

朝洪武九年十一月詔旌為孝義之門卒祀鄉賢明史附孝義鄭濂傳

參通志

劉涪永樂歲貢生父蚤卒母呂氏苦節涪事之惟謹念母老不  
能彊飲食輒泣下母沒廬墓三年芝生冢上事聞詔建坊並  
立祠祀之

周鼎字孟調母病侍湯藥惟謹母卒慟甚含殮畢長號一聲遂  
絕

姚永濬父蚤卒事母張氏孝謹母沒三年温清臥榻一如其生  
一日耕田歸見妻蔡氏供饌禳衽不肅號泣曰汝真死吾母  
矣妻幾被出



許恩獨與母居夜半鄰居火恩驚出徧尋母不得復突入與母俱焚止存其手尚抱母身不解云

明史附孝義李文詠傳

萬明善割股救親廬墓者再嘉靖閒旌

朱文明嘉靖歲貢生孝事父母嘗割己田以周兩弟廩俸所餘

分給族里甫貢將北上會歲歉盡散邑令所贖六十金於親

屬稱貸以行尋沒於北子鬻產償負貧無立錐

郭尚堯邑窮民割股救父獲蘇門外芝草生大如斗

牛二不識字傭工養母母病劇割其雙股肉以進母獲愈有司

旌以綽楔愕眙走避邑人官撫邦為詩贈之

蔡斗煒蔡株南山石易有象俱割股療親

樂韶性和易善屬文母程氏卒哀毀廬墓三年父卒亦如之

王

注案蘄水縣志傳係樂韶舊志作樂和誤也

可清蚤失父事母至孝母沒哀毀骨立廬居殯所三年

李生采字白受畿嗣子諸生篤於孝友父厯宦途生采奉大母

暨母色養盡歡父沒卜地營葬耗盡心力手足痿痺竟以是

終督學金旌其行子見璧詳文苑

周易諸生兄弟十一人易母氏王餘俱繼母南出南產幼子祿

貌惡甚父環欲棄之易泣諫不可潛育於舅家長始歸環沒

易事南尤謹知縣閻士選舉易孝子旌其廬曰閔孝姜義

黎民範字爾瞻廩生蚤喪母事庶母尤謹居父喪廬墓兄蚤逝

撫孤姪如己子姪天又為姪撫遺孤生平頗以文章幹濟自

負萬歷閒辟賢良不就卒祀鄉賢

孫慈字虛白萬曆甲午舉人初知灤州多惠政調補無為州以廉能稱分俸先為其兄置產居喪骨立守禮甚嚴卒祀鄉賢王教民希元孫父三捷嘗為樂林丞歸崇禎八年賊突至三捷老不能逃教民侍左右不去賊執三捷將殺之教民求以身代賊以刃加頸詰之連聲應諾無懼色賊遂殺教民舍其父張世濟字垂雲廩生崇禎十六年流寇屠斬世濟以父櫬未窆趣家人奉母遠避身獨留寇至世濟泣以實告寇憐而釋之依櫬餓死妻胡氏以姑馬氏病癱瘓待湯藥寢不解帶者十九年每有所奉必膝行詣榻前歲久板著膝處洞二穴知縣葉為舟題其廬曰雙孝故里

李珩玉字石公諸生曾祖母潘母南俱苦節玉幼聰慧知友讓

母病危嫂楊氏十六而養玉甫十齡各割股肉以救

麻城縣

趙悅父母同日死悅號痛盡哀負土成墳人或助工哭而辭之

廬墓側六年有二白鵲馴繞墓門正統中旌表見明史孝義傳總敘

梁庠母病篤庠身不離榻衣不解帶者三載里中稱為苦孝

周志父沒遺腹生母董氏守節四十餘年卒後志廬墓三載兩院嘉其孝行為聯語錫之

熊廷岱諸生母死廬墓三年萬曆二年知縣王三宅旌其閭墓

在古城碑猶存咸稱為孝子墳

劉天簡號御華以諸生領鄉薦春闈不第遂絕意仕進素以孝

稱父母沒廬墓三年後人稱其地為孝子山同邑曹允昌有

劉公廬墓圖贊周禮有孝子劉公御華卷軸跋

喻沿毛性中鄒學成夏思鎮俱割股救親沿廬墓三年

毛可學號思溪性孝友以經學世其家率弟可教同志切劇年

七十三卒與劉承烈並祀五腦山明德堂

黃安縣

李學梅字平橋家貧嘗為臬司掾父分產厚給諸弟大父不平

梅跪曰愛弟即同愛梅奚擇焉及父母沒日匍匐墓側棲榛

莽閒遇雪則藁臥雪中世宗崩諸司哭臨梅伏庭下哭獨哀

督學顏應雷高之督臬獄不浼囚一錢有一囚法不應死梅

力爭於上囚竟得生嘗師里人張高得聞王守仁之學為耿

定向所重曾為作李掾傳其曾孫仲友友林俱為母病割股

克紹前徽云參通志

王威幼失父母從父時瑩撫存之瑩多病臥牀褥十餘年威扶

持惟謹瑩病劇嗜好怒詈俱失常威及妻張氏百計將順踰

年瑩沒媪病痢張為手滌衽席媪與威相繼沒家益落張年

纔二十餘守八齡孤兒紡績自給數十年門內蚤歲夫亡者

共五人相繼守義一門五節人咸稱焉

張四維家貧不能供親甘旨人餉以一臠一果必懷歸奉親衣

襦稍鮮者則持與少弟與人交肫篤不欺從同邑耿定力學

稱高足弟子

陶采字左山嘉靖癸卯舉人歷官四川兵備僉事公廉勤謹所

至有清白聲年五十即累牘乞養置宅城中奉母以居日夕

依依膝下若孺子卒祀鄉賢

盧廷箴字心齋歲貢生母卒昆弟俱無力營喪葬箴與妻余氏悉出衣服簪珥治之嘗值歲除偷兒潛入獲焉偷兒給曰歲暮無以將母故耳箴即分卒歲之物半給之卒祀鄉賢子堯臣詳宦蹟

吳國甯字敬庵母黃氏蚤逝事父及後母以孝聞父病嘗糞度不起痛哭幾絕及沒廬墓三年幼弟三皆後母出初父欲析產甯曰兒筆耕可自贍無需此盡推所有與諸弟并教之成立孝感士人鄒某以貧故鬻妻甯捐金數十贖之後補星渚倅移吉水丞歸卒祀鄉賢

吳一孔字秀崖孝友嗜學明季與弟一相同遊邑庠值流寇至

有欲殺其幼弟者誤執孔孔不置辨遂遇害

阮啟祀字文燦邑增生明季流賊擾邑境家人走避村西北石砦中祀年九歲行稍後為賊所得無懼色賊異之縱歸不旬日砦破祀父幸脫母徐存亡未之知也因大慟奔覓亂屍中不可得踰年見砦中婦女有自遠方歸者意母氏尚在也乃攜健僕與俱編古孝子及夫妻子母亂離事為俚曲行乞於外且歌且泣又故為癡狀誘洽鄉婦女出觀聽時年僅十四歷十數州縣寒暑凡三易竟無音耗不得已復歸歸後每經石砦必徘徊其上潸然出涕曰是其祀乎母安在吾望之也遂以祀自名事繼母黃待諸弟皆無閒言先黃卒黃悼慟之過於所生云

據張希良阮孝子事略補

羅田縣

方雄才以人才擢鴻臚卿成祖御書如存孝思堂二匾旌其門  
胡全諸生幼時凡得菜蔬必以奉母母病篤割股作糜以進尋  
愈邑令欲以上聞全力辭之

張架諸生父病侍藥餌不解衣者終年及父母相繼卒哀毀骨  
立廬墓各三載兄弟有鬻其產者絕不與校妻林氏亦賢林  
死架終身不再娶

汪之達性孝友母沒廬墓三年人稱西廬先生

胡一驥諸生母病割股啖之數日痊邑令撰額獎之

江萬紀父鰥居紀率妻王氏敬事三十餘年後病篤紀割股救  
之立蘇踰年復病竟卒人以爲王民事翁孝尤難於紀云

張羨歲貢生撫兄遺孤愛如己子嘗讓產值千金不吝又捐貲

修學宮人有爭其地者即與之卒祀鄉賢

胡明睿明庶弟歲貢生輕財好施建書院於黃道山以經學教  
授生徒與諸兄弟相友愛太守顏其堂曰一門友恭卒祀鄉

賢

案縣志作明濬

胡培與諸生崇禎八年流賊破城執其母培與奪母於陣母得  
脫培與戰死

董其鑑諸生負母避亂山中賊至鑑以身蔽母願代死賊感其  
孝釋之與兄弟析產讓其膏腴平時完人婚姻濟人困乏鄉  
里稱頌子四皆賢幼子庭清自有傳

王坊字第徵少孤事母孝明季流寇充斥坊率家屬避難遇賊

與母相失坊追尋被擄賊將殺之忽空中呼曰此子不可殺乃畱於營坊思母墮淚成血其夜若有人掖之使行賊覺追之坊匿深谷天明其母及家屬咸集無恙蓋以至孝感神云

蕪州

壽儒字宗魯成化丁未進士授主事父畏寒而不喜薰被儒輒身温之母有疾不食儒亦涕泣不食通籍後例得坊金盡以予族屬之貧者

馮鵬字翀霄諸生有學行學者稱獨齋先生晚入太學祭酒湛若水極推重之父病日侍湯藥夜露處戶外得溼疾卒大學士徐公少湖銘其墓祀鄉賢子天馭詳宦蹟

羅天立傭工奉母母病割股救之人稱所居曰孝子里

李言聞字子郁性至孝里中有兄弟爭田訟不休言聞具酒食

召其人欲解之既醉爭如前言聞入跪父靈几前曰兒無狀不能感閭里言訖大悲痛訟者聞之大笑後數年訟者死獄

中族人瓜分遺田言聞為斂葬焉子時珍詳文苑參白茅堂集本傳

宋璧誠子任綦江主簿以親老謝歸侍養惟謹親沒哀毀廬墓

李同春字仰池父儒字東池歲凶盡家貲散賑家以是落不少

悔卒祀鄉賢同春為蕪州衛千戶領漕運代完旗軍折米五百石中途聞母病號泣不食者五日夜夢神命以解維速行

明午河且凍因解維行三百里旦抵淮漕撫以越次繫之白

以夢候之果然漕撫奇而釋之曰爾孝感神矣征粵西苗有

功陞參將尋乞休訓諸弟孟春盛春際春皆貴顯兄弟並祀

鄉賢子楷詳宦蹟

李樸字質甫際春長子執父喪哀毀過甚及葬有術士私樸曰是日利某不利公樸叱曰某吾弟也汝欲不利某耶妹適黃梅生員瞿平年十八而寡樸為資掖者四十八年得膺坊表捐造馬口橋瘞暴骸濟貧乏義聲尤著兩中副車授廣西鹽提舉卒祀鄉賢

顧敦字化之敦睦嫻族與異母弟友愛無間素喜陽明則言及宋儒詩每令人歌誦以自適子問闕俱詳儒林

熊秩字體若自號天放子諸生崇禎閒奉母避賊州城中未幾城陷母適病秩力疾負以走止於旅舍母遽不起造次罄橐金棺殮賊退謀歸葬以舟載棺天大旱水淺不得進秩仰天

大慟七日夜不止雨驟至舟遂發四夜枯禾亦有起色人咸謂之孝子雨

余藩事母孝崇禎十六年遭獻賊亂以母柩在堂悲號不忍離為賊所殺妻張氏時年二十四守節垂六十年乾隆九年並

建坊

王志入國朝不  
合今改入明代

廣濟縣

劉文煥與兄文輝洪武初解南糧愆期法當死輝請坐煥曰兄子幼兄死則子孤無託詣吏請代叩頭流血所司上其狀命宥之則煥已死矣太祖特書義民二字旌之明史附孝義伍洪傳張本端宣德丙午舉人累官四川僉事性醇謹勵風節父沒廬墓三年有白鹿常棲止於其側遠近異之卒祀鄉賢

史玉明蚤孤傭工養母母老起居甚艱每負置田畔奉食母卒  
構爰舍於墓側時有虎患或勸其遷居玉明泣曰吾父母在  
此甯為虎食不忍去也虎至玉明拜之弭耳去嘉靖初卒於  
墓舍僧永鑑鄰人顏友緣備棺營葬焉後鄉人建亭顏曰孝  
子亭立碑於所耕田畔旌之並祀鄉賢一統志

伍伯啓母病割左脇肉和粥進之立蘇知縣陳奎獎之

程希濂縣志字勉哉諸生事父母以孝稱父病疽口吮之不幸

蚤喪父哭以詩云夜來一片庭前月猶照當年事我心

陶之哲字復九隱居不仕精五經性理諸書生八月而孤事母  
至孝母老為著衣衽檢被席足不出里外者十餘年母年九  
十七卒哀毀廬墓前有古松每天氣晴朗白雲聚其上經晝

不散

夏伯弼母病篤為嘗糞驗之妻干氏割股救姑越二日而愈著  
有庭訓十三則

胡文少孤事母極孝問安視膳一循古禮見母衰老調攝尤謹  
不敢少離其側邑令旌之

戴怵母年百有二歲事之盡孝御史獎以聯云百二萱親天下  
少七旬孝子古來稀

張金榜年十六父病割股以進及父沒榜亦以毀卒

盧應昇字時卿歲荒家貧母病危思肉食不得默禱於天割左  
股啖之母愈

翟近展幼時父病割股後舉崇禎壬午鄉試任華容教諭



黃州府志 卷之二十三  
周以貞割股救親邑令旌獎

呂默卿父晚竹目盲十年默卿日夜吮之目復明

劉洪甲字不先天性至孝祖母櫬自宦邸歸或以舊宅爲忌甲獨以己宅殯後比屋遭寇燬此屋獨存甲以歲薦厯官工部

屯田郎

徐多猷字虛孺家貧嗜學性至孝父任乾州學正卒櫬歸遇大雨不止停輜路側晨夕伏棺痛哭道傍主人感動請移室內留數日乃行及葬廬墓三年母久病居一土室甚固會天將雨猷心動遷之未幾雨至屋壞母無恙

何所白朱喬俱廬墓

劉秉鋹程有璋李敷倩俱割股救親

陳類兒性穎慧少孤貧爲人飼鵝聽里塾讀書遂能代生徒捉筆塾師奇之予以衣食而授之經後寇亂侍母伏山澗母被獲抱母痛哭以身求代不得與母俱死

龐耀事母孝母病赴橫岡山謁真武宮默禱願以身代趨投捨身巖巖高千尺墜地竟不死母尋愈

案龐耀事已載王志母抑謂其事雖愚其孝可憫歟茲將縣志續載三人及蘄州志載一人事與耀同者均倣王志例收入亦善善從長之意也

朱大觀諸生先人墳爲荆府發掘觀衣冠投大江而死

鍾鼎字集之貌甚偉寡言笑九歲喪父事母以孝聞母卒三年不入內室逢忌日奉主悲號聲達戶外後中武舉益飭躬砥

行族姪魁蚤孤為授室歲給衣食令就學成諸生其師母沒喪無所歸為營葬地並割田以祀其師

胡海字光伯萬曆癸丑武進士薊州副將俸餘所蓄悉與弟浩共之同居六十餘年未嘗有疾言遽色鄉人多為所化兄弟俱祀鄉賢浩子一璉詳宦蹟

劉養吉字修仲養微弟生平狷謹持論必依名節兄弟之間怡怡如也養微死吉哀毀骨立母復病卒強起飲食襄葬事既而語其妻曰余力竭矣老父幸賴汝遂卒年三十一無子妻事翁能承其志以節終

張玉基字乃璞明末奉母避兵江南山峒兵搜崑殺掠至峒側玉基以身餌賊死之母乃得脫同時張楚俊字士升父病在

牀賊至欲加刃俊以身衛父被十餘創賊憐而釋之

張光南獻賊至全家被擄光南獨脫躡其後至金口驛伺賊駢睡負母晝夜奔馳抵家七日母旋卒同時胡之郁字簡若諸生獻賊掠其父與郁走湖湘父遇害時久雨無月色平地水深三尺郁裹遺骸望電光而走而月始歸葬

黃梅縣

王麟事親誠孝竭力供甘旨父沒廬墓三年舉成化辛卯鄉試所得坊金悉以分卹族黨時舉人王忠事親亦孝俱祀鄉賢瞿甲字太初一字釋之九思子幼舉神童會九思遭墨吏誣甲年十三為書數千言歷抵公卿訟父冤初赴臬司臬司問爾尚乳臭何能曰能賦詩時大雪令賦之有蒼天若念生民苦

何不連飛六月霜之句年十九舉於鄉未幾卒巡撫郭維賢命建祠祀之題曰孝子才人並祀鄉賢弟罕亦為父白冤往返徒跣伏闕五次冤卒伸人稱瞿氏雙孝崇禎時辟舉知州傳詳宦蹟明史附瞿九思傳

洪祥字士高父友璋病癘年餘衣被垢穢祥必躬滌之父一日謂祥曰吾病稍愈汝姑就室畱一僕侍我足矣祥陽諾是夜父起呼僕祥入父驚問曰兒也已而父疾良已祥與妻完顏氏益竭力奉事祥喜讀書明義理年九十七卒里閭號為隱德先生子亮亦以孝稱官武義縣丞

周憐性篤孝年十二為諸生母疾日夕服侍肌體盡削母沒遇風雨輒抱棺呼號以哀毀卒

胡思謙幼聰敏五歲母卒哀號擗踊勺水不入口者五日後繼母卒哀麻苫次三年不御酒食哀瘁以終

龔映祥母疾割股療之越七年母又疾祥又割股及卒同兄映麟廬墓三載邑令旌之案縣志作國朝人映麟作映麟侯攷

張恩兄光病疽醫言吮之可愈兄顧恩曰汝嫂亡誰為吮者恩曰嫂猶人合耳兄弟天合忍坐視乎含水喂之再四愈

胡玉錡母卒廬墓十載不歸母畏雷聲每風雷至必繞墓號泣墓在馬鞍山坂中至今名孝子坂

周詡雲來蘇子父卒廬墓三載足不踰墓垣每遇風雨必伏墓側悲號哀聲達林谷來蘇以理學見重儒林詡雲上請得立祠以祀

石有信字叔孚崑玉次子萬曆乙卯舉人內行純篤事親能盡  
人子禮御史余某特疏薦舉有孝同孺慕清畏人知之語下  
部以孝行徵堅辭不出子礪詳忠義

國朝

黃岡縣

張愈奎字雲衢父母皆年踰九十奎曲盡孝養後奎壽亦至九  
旬念及二親輒泣數行下里中有紛爭事每出一言解之皆  
折服時比之王彥方

王躬俊諸生少以純孝稱兄弟五人三世同爨立義學延名師  
訓鄉人子弟倣朱子社倉法倡捐米穀遇歲旱計口賑給時  
東山未靖大軍進勦俊糾集鄉勇籌糧餉贊方略不市月寇

平當事者議題用力辭不受年八十餘手不釋卷卒祀鄉賢

子風采孫全才俱詳宦蹟

一統志

劉思敬父病劇日夜侍奉手捧污穢三年衣不解帶蝨如蝟弗  
覺也父卒既殯號泣氣絕而沒

此與割股者別一人

張本忠字淇思鳳來子嘗從名儒張溥游溥亟稱之明季盧父  
墓側流賊至將掘其墓忠冒死捍護身受數刃賊釋之家貲  
讓諸弟日食豆粥晏如也巡按部炳元嘗旌以詩順治甲午  
舉於鄉官江陵教諭子光璧詳文苑

易為泰字開子諸生事親孝父士龍明季知大昌縣值寇至為  
泰身冒矢石以火攻退賊後獻賊破武昌流屍蔽江下為泰  
斂葬之凡七十餘骸家僅中人田宅皆讓於昆季撫諸孤從

子如己出見路人貧乏者輒謀助之康熙二十七年夏逢龍之叛敗後逃入白雲山泰與陳偉縛之以獻事遂平年八十卒子天壽舉人漢陽教授有文行

許顯字諸水與從弟顯勵學爲名諸生母羅病風痺顯扶持十餘年不離牀褥母涕泣痲生於面顯以舌吮之母沒後授徒終老得資輒分給兄弟顯亦友愛撫孤姪如己子

萬爲境字子容諸生母蔡苦節撫之境事母孝謹博通經史尤精宋五子書康熙三十二年歲祲倡助社倉賑濟流亡年七十餘卒祀鄉賢子禮祖詳宦蹟

鄧一隆字瑞林家世孝友一隆尤恭謹勤儉著家規十六條家訓四十三章歲二次集男女序班會講又立功過簿以寓勸

懲子弟誦讀至年二十度稍能文乃令終業否即改習農商婦女以黎明集內室治女工財物悉貯公所推一人掌其出入年老及有疾者別優養之自隆高祖文書至曾孫不槐輩同居八世內外無閒言雍正元年

旌一統志

鄧之璧一隆姪事親純孝父病嘗穢焚香誠禱父立愈居喪哀毀三載不入內室雍正元年

旌

曹大聲字子先諸生有名復社父之聃寢疾三月不能起康熙三年冬月火發門扉皆熱急和衾挾父走風焱卒不可出稽首呼天稍反風解衣裳父犯火出越二日父卒大聲舉體焦爛撫枕搶泣目皆盡血痕越四日亦死雍正七年

旌

呂希煜字孟陽諸生有文名父尙和爲清豐知縣煜隨侍值母

喪哀毀骨立扶櫬歸徒步行三千里哀感路人後值父喪盜入其室索財帛無所得煜身衛父棺不去被殺雍正八年旌

馬鞍山丐者不知姓名日出乞食必載酒肉慰其母自茹腐惡時缺餐傭於人或以簞食貽其母輒喜否則強之不至母老疾常負而遊母亦樂而忘其貧雍正五年大疫其鄰人死經宿而甦曰吾聞冥官哀孝子母老使歸見羣從喧送孝子則東鄰丐者也時丐者病方甦後果終孝養云

謝鴻恩父患痰疾臥牀不起恩日夜哺授飲食扶持寢興溲便手為洗滌凡十一年父卒哀毀如禮築室墓旁日夜號泣乾隆元年旌

黃漢隆諸生家貧父客死河南漢隆徒步奔喪道遠柩不得歸因以布殮尸盛以大囊緘以膝長如被襪狀負之走夜宿郵亭或野店門外露坐守之凡二千餘里乃歸既殯葬大哭嘔血死乾隆五年旌

胡必元字次之事母孝母素患痰每病輒晝夜不離側晚年患疽與其妻同吮之遂愈及沒涕泣目幾盲殯於庭遇火伏棺號泣不忍去族鄰并其棺出之始免

張世俊字怙瞻性純篤與諸弟相友愛治家嚴肅有法率家人耕織諸器具皆自為之不假市購四世同居男婦數十外內各一人掌之其雍睦如此子鳳鳴詳宦蹟

汪度宏字擴如士奇孫康熙丙戌進士事祖母以孝聞兄沒姊

寡子女無依度宏皆撫之為畢婚嫁祖姑適陳亦寡迎歸奉養三十年如一日舅沒子女幼亦為撫養而婚嫁之官保昌知縣有惠聲及歸猶寒素也子依仁詳宦蹟

陳大年本姓朱字士登增生父以大年教讀自贍有屯產欲予繼出子大有大年先意承志併歸之大有少負異才忽中折妻寡子幼屯產無存者大年以積脩贖回授之且教其幼子霞遠獲登賢書

杜承仕勤儉孝弟其先人咸亨七世同居析爨時八十三人承仕恪遵遺教子德隆割股療母疾孫希美割股救叔父疾曾孫輔元割股救伯母疾元孫維學輩皆敦孝義復五世同居左飛鳴字雲衢增生善屬文父因公累逮獄飛鳴蒼黃隨往乞

代倚狴戶哭竟日勺水不入口獄卒感動扶入見父乃撫銀鏹大號同繫者皆泣下獄官聞而憐之脫其父械未幾父病遂允代繫飛鳴在獄日構文一篇思如泉湧若有神助月餘縣令提比飛鳴瀝情泣訴令察其貌曰孝子也釋之尋冠軍入庠父嬰沈疴服勤勞瘁數十年不懈

周漢興五歲時母目盲倚懷舐之經月愈父病私禱於神割股救之獲瘳迨父母先後亡廬墓六年兄漢德歲貢生性亦孝友感漢興事彙古之敦孝者為孝行錄昆季五人怡怡終其身

胡宗返事母盡孝母病篤割股以進初貧困中歲服賈漸饒歲饑鬻米貸鄰里配徐氏得偕老享年百有一歲生子五啟華

文盛文學文炳文郁皆承父志文學文炳於父病危時禱神割股不謀而同文學子歿聘媳徐女入門守貞一門孝義五世同爨大吏奏請旌其閭

張錦明七歲失恃有弟一父繼娶李生一子異視前子明戒弟使無懟父卒明事繼母尤謹母病明割股以進病痊遂大感悟諸弟貧困明並竭力資助之

王朝仁父蚤喪母戚氏警仁傭工奉養甘旨不缺每應人役蚤午必歸備再食之需母病仁割股救瘳後母沒居喪衰經不去身

錢周德號蘭臺乾隆戊申舉人例選中書性篤孝母蚤卒繼母異視之悉忍受奉事惟謹母後感悟

杜炎明副貢濬姪孫事母周以孝聞友愛兄弟家有湖業悉讓於姪鄉里義之

李學珠蘆洲鄉民乾隆三十二年大水珠攜已子並兄子乘船遭大風勢不能兩全遂棄子保姪以全兄祀

於長源乾隆庚辰舉人祖正清歲貢生父萬承兩世以孝稱長源母病躬侍湯藥三載母沒水漿不入口瀕死者四遂病噎啜粥以生後任宣恩訓導子象模象椿事親亦孝長源病疽椿常口吮之卒不起椿廬墓數載嘔血卒

夏傳鼎增生父若豪監生有隱德喜為人解紛嘗拾百金仍返其主鼎事父極孝父沒泣血三年足不出戶教子啟連啟達啟迥皆為名諸生迥蚤卒其子正枚監生事繼母亦孝母稍



拂意必長跪請罪色養至老不衰

謝志煌性孝友父方楚廩生晚年病瘋手足拘攣時煌母蚤沒凡興居飲食皆煌與其兄諸生志烈扶抱哺食之溺器廁牕躬親洗滌十五年如一日

姜聞韜父沒遺腹生總角時父柩歸窆雨不克葬伏柩側號泣竟日事母尤善承歡子若熊諸生母汪病篤熊嘗糞驗之醫者慮其不可治竟得痊人以爲孝感所致

方念宗從九品事親孝居喪哀毀盡禮與諸兄相友愛晚濟人以岐黃術子同春嫡出次鋪優貢幼喪所生母春視之如同母與妻黃撫之成立鋪詳篤行

張朝棟馬家潭農民父某客死鄖西棟行乞至鄖得瘞所備於

鄖三年積貲扶櫬歸旅店多拒宿依櫬野棲悽愴達旦卒歸葬焉

萬鼎芬嘉慶庚申副榜逮事大母隨父母後奉起居惟謹與二兄敦手足誼子家福亦孝友弱冠成進士授庶吉士假歸省親執父喪盡哀成疾時母亦病躬侍湯藥母痊而家福疾篤卒年二十四屬家人以麻衣斂宗人咸哀之

靖厚炳監生父病癱口吮之母患病親嘗其穢均獲痊兄嫂蚤逝遺孤華遠教養兼至遺亡又遺二歲孤撫之成立

倪章福長圻墾農家子力田事親曲盡孝養父母沒廬墓六年隆冬僵臥雪中一日覺有身覆之者視之其母也福大哭聲達村舍閒斲水陳修撰沉爲其叔聘妻作劉貞女行并紀福

事

陳履謙貢生祖啟華父貴世篤孝友道光閒七世同居男婦長幼凡百五十餘人謙與弟履亨督率之共敦雍睦建支祠延師課子孫之秀者或改業則商於外均恪守家訓家漸饒凡推解之事無吝心亦無德色大吏奏請旌其閭

會廷彩一名道字天仁事父母以孝著友愛昆季積學未遇研經史訓子六人以嚴嘗以孝經教之曰此天經地義百行之原也大本不端文采無足道矣且人生濁富不如清貧金玉之美奚敵經籍之光汝其勉之著有拙齋集熊士鵬選其詩入荆湖知舊集中子世儀詳宦蹟

洪恩峻字堯民貢生和厚端方動必以禮而內行尤篤少失怙

侍育於祖母及長竭力孝養待祖母母家情誼倍摯視從兄弟如同胞嘗共設質庫兄弟支取略盡惟峻款獨存仍分給之尤喜施濟捨藥散穀歲以爲常買龜山地十餘畝施爲附近義冢佃傭某抗租家人將控諸官恩立碎其牘鄉人至今稱盛德焉

石錫純字粹亭監生事父母以孝聞胞兄暨堂兄借豪家銀數千兩索逋構訟純慨然變產代償道光十一年大饑傾貲助賑家遂中落淡如也生平重道尊師延請郡庠生李之蘭課讀子姪輩禮意之勤歷十五年如一日

陶熾字海春未冠時讀書里塾有鄰婢夤夜來奔峻拒之事父母至孝母氏王壽八十餘熾日誦元人詞曲及稗史可驚可

喜事以為娛如是者二十年年五十九先母一月卒生平仗義疏財村人洪某值年荒將鬻妻子急止之與以錢累二百緡子兆增年十九失怙繼母程性嚴厲每發怒輒怡然以受媳葉氏體夫志曲意事姑雖笞扑無怨言

沈之銓字次山歲貢生性坦直樂志養親不慕榮利教人先行後文學者仰如山斗子光滌諸生亦以孝稱

王起秀字俊亭素行端方有至性親病侍湯藥常廢寢食及沒喪葬盡禮弟婦青年守志孤姪甫三齡秀視若己子撫之成立遇戚黨孤貧必竭力周卹之

李大經字星軒性至孝父沒終身依母寢處好讀書不屑為制舉業於治河安邊諸大政無不通曉大吏耳其名屢羅致之

辭曰古人一日之養三公不易絕裾捧檄功名之士吾不願效也卒未往誦經籍課子弟以寒素終年七十三子孫多成名入仕

程宗謙增生父病篤剜股療之又因父患痢嘗糞人以為難父沒三年內日至墓側悲號母老耄設榻母室中夜伺起居八年不懈

姜煥垣字星墅諸生幼喪父母賴庶母唐撫育成立煥垣事之愛敬不啻所生同治二年唐病侍奉湯藥衣不解帶者累月及沒痛哭嘔血升餘亦於是日卒

宋焜字暉田治咸孫增生性至孝事繼母曹尤謹曹性嚴急稍不合聲色俱厲焜每率妻徐氏長跪請罪母卒感悟生平志

操方嚴教生徒以敦行爲本成就甚多

於逢年字益紹母氏李病癱痺三十餘年困牀褥逢年日夕侍起居常抱持之咸豐間賊至偕兩弟冒鋒鏑負母逃賊不忍加害

魏澤選雙柳區農人道光十一年水災選行乞養母嘗渡七湖從高阜乞食反至湖濱湖適冰凍選慮母無食遂履冰歸甫及岸冰解泊母卒哀痛幾滅性同里葉大松亦村氓也少孤貧道光二十九年大水扶母至豫境求食次年夏母病死松負屍匍匐歸屍不變咸以爲至孝所感

張傳馨字雲程少孤奇貧授徒邨塾閒常不能舉火得數錢卽市餅餌奉母母憐而分與之必詭對曰生徒已進食其實無

有也有聞而餽遺者拒弗受嘗夜讀有少婦來奔朗誦不顧婦乃去生平未嘗告人時有偷兒從梁上見之每向人述其事

邵正泰邨農也少孤貧傭工養母甘旨常不缺母沒廬墓三年值除夕雪深三尺餘且從墓歸僵凍幾絕

陳宏順幼孤貧母氏徐遭瘋疾體痿目瞽手足指盡脫宏順爲母哺食起居坐臥皆抱持之十五年不少懈又有舒必揖陳桂者其事相類必揖事瞽母飲食湯藥必手進之卒後日省墓三次一日詣墓前忽僵仆昇歸遂卒桂屠而鰥母病痿饋醕澣濯無不躬親經三十年如一日三人皆不識詩書而至性過人

方廷珍少孤事母孝母沒廬墓三年齊衰不去身道光二十六年冬有售妻者相泣路隅問其值計錢十緡珍典衣如數給之得不售其人請姓名終不告

王地紹字竹其增生父兆卿諸生督課甚嚴紹侍奉惟謹怒則跪受教非色解不敢退蚤失恃事繼母如所生父晚年喜居城紹迎母同奉養焉凡祖遺田宅悉予弟惟授徒自給有餘猶分潤之

王基鎬字武民諸生父祚賓善書法鎬性篤孝友母病焚香籲禱兄病亦如之粵逆之亂僑寓浣川母沒未及葬賊突至鄰人皆走避鎬獨守母棺號泣賊不忍傷同治初邑人議舉孝廉方正堅辭不就

蔣鵬字翼南為諸生有聲粵匪初至時父柩在室鵬守棺號哭鄉人感動為飲葬焉事繼母能得歡心同治元年舉孝廉方正因母老未赴部遂授徒養母以終

靖家清字慶之諸生性至孝父怒輒跪謝色霽乃起事繼母惟謹與從兄華蘧相友愛蘧卒妻程守志清敬禮罔懈鄉人奉模楷焉

劉應梅字榮重內行修潔尤誠於事先祖祠距家里許每日晨興往供香火風雨無間者數十年性和厚遇人有危難事必竭力扶持族鄰倚重卒年八十餘

范欽字雨山紳子都司銜母病嘗藥禱神願以身代病立愈母仁厚樂施與欽先意承志嘗發粟二千石賑饑民他若義冢

義田義渡悉體母志施之無吝色

左秉衡監生父廷璧蚤逝事母氏王曲盡子職母病親奉湯藥衣不解帶依母側設一榻十年未嘗入私寢戚黨稱之

童瑩字厚卿廩生事父母以孝聞因食指繁兄弟始析箸瑩一無所取惟以筆耕奉養有餘猶分給諸弟年荒屢代償逋負雖啜粥食藜晏如也為人樂易和平而有介節居恆沈酣經籍著述甚多年未五十卒

朱善富幼篤天性每有疾恐貽親憂祕不以告及長因父病遂習醫藥餌必親煎父病旋愈父沒事母益謹鄰舍火延及善富庭母老不能出善富適自外歸冒火衝入負母毀垣出居喪尤哀痛盡禮巡撫胡林翼獎以額曰百行之原

涂孝子逸其名雜髮為業鰥而貧奉母必營旨甘母老扶衰滌穢必躬親之嘗割股以療疾母沒廬墓三年

喻志忠家貧忍飢養父歲歉隨父行乞河南父病卒忠負尸行七晝夜歸葬祖塋又有羅詠裳者父沒於外隻身走數千里負父骨歸

王家策字象翥天性純摯父于映邑庠生積學而貧晚益困策傷兩兄短折折父母衰頹遂棄儒執藝事以其值營甘旨親沒既葬無力結廬幕天席地伴宿墳側號泣往還三年無閒後以憂鬱成疾卒

汪慈煉性純篤生父洪琥患癰煉口吮之後琥復病割股療之愈洎生父母嗣父相繼沒事嗣母亦以孝稱

林作楨字敘齋州同銜父蚤卒事生母劉曲意承歡母病侍寢嘗藥衣不解帶者數月昆弟四友愛無閒言子大份亦以孝稱居母喪勺飲不入幾不起後父喪竟以毀卒

溫正德年十二父沒母患瘋痿家酷貧乞食養母澣衣滌穢歷二十餘年母沒廬墓三載

馬先株先祿兄弟友愛事母以孝聞咸豐三年冬粵匪竄境時母年七十有六先株負之逃遇賊傷母及株肩猶忍痛不釋先祿望見慘忿直前奪刃與賊鬪賊斫其首死

張述佐祖期珞病臥牀褥佐日侍湯藥不離側咸豐四年春髮賊黃以安等掠近村佐負祖出避遇賊於途殺佐並剖其腹越數日黃逆等為鄉勇所殲聞者稱快鄉人共表其阡曰孝

孫墓

曾傳寶傳春兄弟也捻逆之亂同負老母至界埠渡口賊忽至欲渡無舟二子負母涉河俱沒於水尸浮出猶一子負母一子扶母如故

羅文潤幼失怙母病割股以進兄天潤析居文潤衣食悉分子之母臨終猶以天潤為慮又憂其二子無耦文潤復剖貲平分為兩姪完娶延師課讀久而益勤族中貧乏者以時周卹

蘄水縣

施惠孩提時鄰家予以棗栗必懷歸遺父母父亡貧不能治喪遂傭其身主者與之食必餘半以養母冬母寒無力置繇乃刈艾作絮兼之薪恐妨主者工雞鳴走江干拾蘆根歸始旦

夜則抱母足温之值流寇亂負母逃被執叩頭流血請殺身  
留母賊感動兩釋之母年九十七卒廬墓三年雍正元年

旌

戴華凌自幼孝謹不先親食親或不憚必婉容慰解父病三年  
侍湯藥廢寢食父沒益竭力奉祖母及母母年逾七旬保護  
尤至有延之訓課者以母老堅辭不赴前後執親喪哀毀骨  
立廬墓六年雍正三年旌

徐梁宇兩州諸生幼孤事孀母江氏以孝聞董理家政置祀產  
睦子姓族人敬服邑有貧乏自鬻者出資贖之子孫登仕籍  
者甚眾人謂梁盛德之報子本仁自有傳本儂詳宦蹟  
方師璟字崇友諸生常以父病禱於神願以身代至感神示夢

於其父遂獲瘳弟患瘵疾璟與共臥起百計調攝三年不入  
已寢其父撥田課四十石與璟以示獎勵弗受里人至今稱  
其田為孝子田

岑世鎮字來章諸生事親孝友愛諸弟俱教督為諸生後雖別  
居猶以筆耕餘貲置產分給從父三參貧乏嗣世鎮捐己產  
約四百金為繼立貲鄉族咸稱其義

瞿世正字憲昭諸生性孝友居喪盡禮撫愛幼弟凡家貲悉登  
簿籍並題簿首曰慰我先志及弟成立舉所積贏餘悉推予  
之族戚歎服

徐本仁字伯倫梁長子少失怙事兩世孀母備盡孝道課諸弟  
後先登科甲族人以家政委之年未弱冠長老咸推服焉以



急難告者竭力濟之子立御詳宦蹟

宋士吉父蚤卒事孀母鄧氏備極誠敬每自外歸必稽首母前母若色變則伏地請罪乾隆七年與母節同旌

王效武字國香王燾七世孫也父抱病幾危武嘗糞割股肉以進病愈奉養十餘載父死廬墓三年

鄒安義字杏橋有嫡堂弟析居已久產盡無嗣安義招與同居為娶婦俾有似續後遭亂散處復撥田課給之

郭文瓏諸生篤於根本嘗應鄉試畢兩場聞兄疾遽買舟歸羣挽之不得族有訟財產者捐金解其紛焉

王秉彝監生事叔如父析箸時提膏腴田二十石為叔養贍諸季所負債出己資償之敬宗收族排難解紛里人至今稱頌

馮廷異寡人子事母孝嘗乞食供母餐母亡號泣幾絕

王明人與弟立人友愛甚篤立人蚤逝遺孤四明人撫如己子皆成立卒後子家瑄諸生克承父志析居之日分產業為三以其二與立人諸子戚族賢之

任欽才有至性父以伯子素疏放恐為兩弟累令析居不獲已泣從之自取礪瘠十餘畝腴沃歸兩兄後伯子家落代償重負兩兄沒諸猶子益不振欽才悉為經理年九十六卒

張若杞從九有孝行母患目疾幾失明醫藥罔效醫云須以舌舐之杞舐年餘目愈

夏之鼎增生事親孝年六十奉事老母飲食湯藥猶躬親之督學鮑桂星王贈芳兩旌其門

樂繼韶附貢生家貧嗜學館穀積有餘歸其舊產於兩兄以慰親志門人畢保釐為誌其墓

朱順才父患臍痛母得狂疾扶持洩溺浣滌穢污歷十載如一日年逾七十孺慕彌摯親沒逢生忌必泣奠墓前

董前禮母患痿疾禮扶持十有七年足跡未嘗出戶母卒廬墓終身

董春泰業農事親孝愉色婉容出告反面父母先後沒遷葬合墓廬守三年

蔡時章母患痿侍奉十餘年夙夜焚禱不懈有僧授以藥忽不見母食之立愈人以爲孝感

汪雲飛字道模幼孤事孀母朝夕不離側四方延之課讀輒以

母老辭與弟友愛寸縷盃羹讓而受惡終身無閒言

李德懷農家子弟德重好鬪因誤殺人被逮懷泣曰吾弟一子未成立不可去請代之役不允懷曰以一命償一命吾兄弟

事爾何擇焉慷慨赴縣讞成終無悔言

周夢堅號介夫嘉慶丙子副榜昆弟三人皆業農以食指繁謀析箸堅曰我以筆耕無需田也概屏之惟分做廬數間每歲館脩必分潤昆弟晚選通城教諭以方修家乘建祖祠未赴

任尋卒

陳學瑞字輯菴嘉慶己卯副榜授徒鄂渚多所成就每歲抄旋里米鹽薪炭必多備以分潤骨肉故累年館穀頗豐而家無立錐地其至性肫篤如此

馮佐漢性孝友弟光瀾以事抵法佐漢代繫獄並赴配所後光

瀾補諸生漢逢赦歸不入私室侍母晨昏終其身

李曼全幼孤孀母胡撫之成立貧不能娶事母四十餘年手執

爨躬滌溺器母時以過撻之安受不怨

閔超羣監生節孝張氏嗣子每欲表母節或以貧難之羣曰吾

非母苦守無以至今日何忍以貧故使湮沒不傳嘉慶十五

年事得上遂罄其貲為建坊母卒廬墓側歲序屢易子若孫

亟請始痛哭歸邑進士畢至為撰孝子傳

顧從譜性友愛有從子四孤貧無依譜引與己子同居視猶一

體且皆為之完娶譜年耄一家至八十餘口始令析箸分產

必均族人義之

畢華旦號月坡監生以孝稱母邁疾侍奉湯藥衣不解帶者百

餘日教子姪皆成名晚歲粵賊竄斬執旦旦無懼色一賊

熟視曰此蕪邑忠孝人也竟舍去其兄華旭事親亦孝兄弟

俱以上壽終

麻城縣

顏時熙字次文諸生父如愚病篤割股救之愈順治十二年知

縣王潞詳報院司給匾獎之

何佐諸生事母孝家貧就館百餘里外常徒步歸省母卒痛幾

絕既葬坐冢旁枯樹中十四日族里為結草廬以居佐朝夕

哭奠知縣吳顧行重其孝時調之後竟卒於墓側

袁藻元諸生父病祕結月餘醫藥罔效元跪榻前銜溺管吸兩

晝夜始通病漸愈知縣屈振奇給額獎之

蔡慎思字二餘歲貢生父病侍湯藥經年不解帶既沒寢柩側三年母毛氏素畏雷慎思聞雷必衣冠侍左右雖中夜亦然妻鄒氏亦以孝稱其長媳胡氏嘗因姑患氣痛刺臂血和酒以進痛立止人謂孝姑宜有孝婦云

胡有才家貧傭工每得肥甘必攜歸奉父母母病割股和藥救之父得寒疾才抱父足睡者六年卒後復廬墓

尉賦字士朝父病羸性躁急賦先意承順病篤醫云便之甘苦可決生死賦親嘗之復割股以進及卒哀慕終身

商廷周生十歲父沒事母至孝初爲人牧日得十錢資母食長傭工鄉里朝食母而出併力工作日未盱輒入侍母年老益

衰常畏寒廷周每夕必溫衾裯歷二十餘年如一日

劉洪元甫三歲父禠遺遠質於蜀久不歸人亦莫知所在元稍長欲往尋母憐其幼止之後成立慨然曰天下豈有無父之人乎母有兄侍養天涯海角兒不得父誓不歸遂由蜀而黔而滇艱險備歷至南徼憩旅店得殘簿見父名知父已出關復裹糧以往一夕息大樹下夢老僧若爲指示狀遲明遇一僧與夢符詢之僧告以父所在如其言果見老叟操鄉音乃其父也跪稟曰大人安乎兒洪元至矣老叟矍然起呼洪元小字爾何由來此爾少患癩體有疤癩試與捫之信相持大哭遂同歸時雍正六年四月也禠遺年七十五在外三十六年歸家五十日壽終

李重貴齡餘喪母及長父沒送葬遂廬於墓側獨居深山茂林中絕不與世人往來三年畢因思己少失恃未克盡禮復廬於母墓側茹素服齊衰者三年後竟不歸娶以家產授諸兄弟自攜薄貲付近墓懸鐘廟僧與同淡泊以終其身

余貽智字承源嗣母李氏青年守節無子然性剛嚴又無資產他子弟莫肯為後者貽智重母苦節願嗣之母小不適即盛怒怒輒偃臥不食智跪榻前母起則起母食則食家人非智莫能承意旨智妻汪氏卒慮繼娶者難承歡遂不更娶立兒子為嗣養母終身

李巍字奠川增生性孝友父病痰手足不能運巍左右服侍廢田園延名醫其後家益落兄弟同心

以成立生平手不釋卷而於考古之學尤精

郭尙道兄弟三人兩兄繼沒遺姪六視猶己子維時同居已六世親丁百餘口皆率其教內外無間言歲饑嘗買穀千石以救荒又於皖豫通衢修橋路甚夥道光十六年官紳為請旌建坊

熊鍾字允萬貢生父世城母陳繼母徐皆誠篤有隱德鍾弟五人均有學行而家事一稟於鍾蓋鍾之先世皆孝友廉讓伯叔昆季不異財者已五世矣鍾能守家風益加誠謹子孫眾多皆恂恂率教

黃士旺祖父年耄手足不仁旺善事之牀褥污穢親為滌洗絕無懈志旺沒後長子學瑞事母亦以孝聞

夏仕和事母孝母中年得疾不能行飲食溲溺惟和奉事無稍

怠迨沒喪葬盡禮後遇賊不屈死

尹志福家極貧隆冬常以草膝裹足乞食養母母老無齒嚼而食之母病不能行常負之遊母八十餘卒福哀毀骨立終身

不忘

李紹先貧為傭母病樵採易肉以奉病劇紹先思割肝而不知其處禱於神夜忽自覩胸間新生一痣遂於痣處得之割少許昏絕於地旋甦和羹進母乃瘳越數年母無疾而卒力不能葬黃岡謝孝廉助以貲既葬先傭工以償之

黃開泰州同街咸豐八年粵匪陷城泰以父柩在堂命子錦城護眷屬外出已與次弟開第同守板賊至俱罵賊不屈死錦

城旋以尋父叔同城亦遇害錦城英年績學人尤惜之

袁華祝監生咸豐八年三月賊竄麻父茂梅病篤不能行祝侍

父揮其弟文光文彥及老僕陳發元去避亦相守不忍離賊

奄至華祝被執不屈文光文彥率發元救護賊並殺之茂梅

驚死賊退鄰人歸見諸被賊戕者屍多變惟華祝所居有二

犬守門外收其屍面皆如生

周煥文母病瘋與弟煥武盡心調護五年如一日父廷桂幕游

久不歸文將往尋武爭往由陝入川請父歸不許遂隨侍閱

數年父沒於潼川輿櫬苦無貲因淺葬且埋石以誌方歸而

謀諸兄行至石泉而沒文聞之痛幾絕念母老難離至同治

元年母服闋遂決意入蜀沿途乞食遇賊擄之文泣訴其情

貴州府志卷之二十三  
得脫乃達葬所哭數日忽一冢土裂石見文發冢身負父骸  
道經石泉攜弟柩同歸文是時年六十二聞關萬里人咸謂  
有神呵護云

楊作棟監生同治三年二月與父占春俱被賊擄賊欲殺占春  
棟泣求代賊怒曰汝欲活汝父非多金不可吾且釋汝二日  
不來吾即殺之及出設法無可得復入賊營乞父賊曰汝來  
無多金豈謂吾不殺汝耶棟曰情知必死但求勿傷吾父賊  
曰孝子也兩釋之

王其文家貧事親孝謹母陳氏病癱瘓文親奉飲食藥餌穢溺  
亦自滌之同治三年髮捻入境文侍母疾不去被賊母遂困  
餓以死

張文蔚字敬輿至性過人父病且死蔚自侍湯藥以至終事形  
銷骨立哀感鄰里母羅因宿疾忌葷蔚爲廢肉以禳母疾旋  
愈同治閒粵匪猝至蔚負母入山行荆棘中無所苦適季弟  
天如罵賊死母哭至喪明蔚朝夕泣禱於神三年母目愈人  
皆稱爲純孝之感

袁學順家甚貧同治初父客死漢中順沿途乞食往尋因聞警  
而反年餘再往至興安歲饑人相食又反十一年冬復向親  
友得旅資冒風雪行兩月抵漢中訪葬父劉姓者適他往尋  
至鳳縣遇之告以處啟冢以囊負骨仍乞食而歸計三次往  
反一萬二千餘里聞者無不嗟歎

黃安縣

黃州府志卷之二十三  
盧爾悌字以申明恩貢生父堯臣五夜篝燈著書悌嘗侍側父就寢乃敢歸私室父病嘗藥及糞卒後廬墓三載崇禎十五年流賊陷城悌棄妻孥獨負母縋城出其他敦族睦鄰殯師葬友卻盜賊歸難女盛德事甚多卒祀鄉賢子九皆知名緯詳儒林經緯詳宦蹟

盧純慈字熙叔諸生父爾惇明季知巴州抗節死事平純慈子身數千里尋父遺骸聞有武弁昔與父共患難未死在某峒中往覓得之其人已衰病不能起呼使近榻熟視歎曰盧官人有子官人當日殺賊過當賊已支解矣壯士甯有屍耶純慈痛哭幾絕其人慰而遣之歸及母卒廬墓三載孺慕終身子雲鳳諸生繼父志復兩次入川覓骸不獲乃具棺招魂葬

焉雲鳳品學素優知縣李行修請為鄉飲賓復延為社學師著有巴州公案巴游草臥堂存稿

盧紀慈字念倫父爾慥舉人事節母以孝聞紀慈年十三補諸生父客京師慈奉祖母匡母樊曲盡孝養父歸慈左右承歡罔閒祖母與父相繼沒慈精堪輿術親卜窆窆雖寒暑登陟不少息父臨沒以幼弟紉慈為屬後弟每嬉戲紀慈涕泣自責弟卒感悟追母卒哀毀成疾遂不起

張樂字易村希良子康熙乙酉舉人事繼母劉以孝聞撫弱弟曲盡友愛族黨貧而才者資以力學多所造就里有某貧不自給鬻其子樂聞而贖之厥宗賴以不覆生平隱德多類此兄棣舉人已亥歲歉捐穀千石濟貧民季弟榮諸生弱冠丁



母艱七日不飲勺水旋以嘔血卒聞者傷之

吳應選父疽發背展轉牀褥五閱月洞胸穿臆臟腑俱見臭惡不可近選侍湯藥口吮舌舐呼號數絕父病忽瘳邑令張獎以額曰能竭其力

吳之璜字渭卜博學能文詩字尤工侍孀母余左右就養及卒廬墓憂思咯血以卒祀鄉賢子應庚詳文苑

秦中理號雲山拔貢生方九歲時母患心胃痛醫稱不治私割左股以救疾遂愈後屢蹶場屋資館穀以奉母母沒苦塊三年哀毀成疾卒

彭大興有至性祖病篤父頗知醫診之泣謂大興曰脈絕矣奈何大興泣夜半割左股肉為羹以奉之漸有起色數日病愈

後祖知其事視之則血痕如掌存焉通志

阮林遠字星吉曾祖啟祀以孝稱自有傳林遠母盧病乳劇日夜祈以身代一夕恍惚見祖母授以藥曰用此當愈手受之實無有也而香聞一室母病竟痊人稱曰小孝子通志

盧聚慶父卒貧無以殮乃質身於周姓以其值葬父周義之為折券遣歸同族盧明善盧紹先皆以貧苦負擔乞米養親親病無錢市藥割股以進親病竟痊通志

王之相字衡甫母沒廬墓三年未嘗見齒父遭疾前後割股以進者三壽延八載邑令胡給額旌之

吳文煒字含章博學多能尤精勾股有兩兄與嫂相繼沒子女幼飲食教誨不啻己出小功女弟適陂邑周姓苦節四十餘

年老依母族洎沒煒為之具棺殮歸葬於周子中理詳宦蹟

秦學泗諸生弟學治監生父母俱年逾耄耄兩人白首斑衣曲

盡色養同居亦絕無閒言族有質產者貧不能贖以產還之

邑令梁表其門曰孝友傳家泗孫光辰詳宦蹟

吳餘鳳年十餘齡祖母病重私割股以進病愈鳳隨妖從叔宏

初為作孝童傳其後有吳克敏者少孤家貧採薪養母嘗二

次割股以愈母病後已病劇夢神佑之人以為孝感也

江孔殷廩生孝友誠慤父偶墮於水殷救之父甦而殷斃學使

胡深為惋惜給銀以葬且弔以詩銘其墓曰孝子

江鑒字驗唐諸生母彭蚤世事繼母汪如所生汪性嚴毅動加

鞭撻鑒順受之祖有遺業擇其尤者以讓弟

鄭道亨字嘉會母患癰以舌舐之而痊又患瘋疾二載親調湯

藥衣不解帶母終父繼沒廬墓二年有白鶴常繞其墓

金作礪諸生幼失恃父疾九載親調藥餌刻不離膝及沒昕夕

哀毀致疾而卒生平敦行尚義有族姪自汭子母遠寄豫省

母死自鬻為僧礪訪之贖以歸俾得成立

郭天明幼失母躬耕負薪以養父父病侍湯藥衣不弛帶病篤

割臂和羹以進復嘗糞知不可起搶地痛絕及卒廬墓六年

有白兔馴擾之異當道旌其廬

秦文茲父枋遊滇省不歸茲隻身往尋久弗遇忽夢有神告之

處果見父僵臥於馬伏波廟中氣不絕如綫急覓醫調治越

兩月愈苦饗不給乃為人傭以供踰年還里後避亂三山

若若潰茲不顧妻子抱週歲姪逃出

宋璵諸生弟環監生琦諸生天性純篤父沒皆廬墓二年哀毀骨立母疾日侍湯藥衣不解帶疾篤焚香同禱爭以身代後病痊人以爲孝感兄弟和睦無間璵年八旬環琦事之惟謹羅正玉家貧孝養父母父病數月割肝和肉以進次日遂愈逾年父沒玉數日不食母慰之始飲粥奉母孺慕終身

毛聲亮甫四齡得佳果輒懷歸遺母年十四侍父疾割股者再後值母病侍湯藥兩月餘不解帶割股以進母疾尋瘳及沒泣血失明衰經廬墓三年子志訓有父風父病割股者三常侍湯藥昕夕無倦與父同爲學使者所獎

閔啟洸監生兄弟析居後貿易興安十餘年蓄積甚厚兄沒家

日替憫兩姪孤苦攜入陝延師課讀俱入商學旋以己萬金

三分之姪二子一郡守錫之額曰孝友情篤

詹煥章號堯臣貢生凡父命敬奉無違父病親侍湯藥朝夕扶持數年不少懈父沒哀毀骨立塑像事之每供奉猶爲孺子

泣巡撫胡林翼爲之請 旌

盧治鐸兄弟五人鐸養親尤得歡心父病割股和藥以進有弟不慧盡情撫之平生守正不阿嘗道拾遺物立還其主不告姓名鐸沒後子學源哭泣盡哀十餘年未嘗見齒亦以孝稱江傑監生性樸誠少從父質西蜀父沒舟行至半途風大作他舟多覆沒傑伏柩呼號獨得濟同治三年賊掩至傑負繼母逃妻子弗顧也尤好施予每終歲輒出穀米以給族之貧者

張其方父患癰醫治罔效其方以口吮之遂愈兄遠館家恆不

給所需食用皆方給之

張庚雨字友蘇貢生父席賢品學純粹授徒不計脩脯其甥劉秉琳賴以成就庚雨生而孝友少時為父買藥赤足涉層冰中血漉漉被踵趾母年老少睡庚雨扶持抑搔終夜無倦兄早亡遺一女愛逾己出晚年以足疾發遂卒

羅田縣

徐生明字哉生諸生父益謙為流賊所執將殺之生明跪泣願以身代賊義之因得並釋父卒廬墓三年其子鉅事親亦以孝稱父沒友愛異母弟父嘗代邑貧民輸丁稅鉅因力請當事得丁隨糧派如鄰邑例後以拔貢授崇陽教諭卒雍正十

二年 旌建父子孝子坊

李之乾性至孝康熙四十五年夏大水乾父年八十有八病臥危樓中乾侍疾不離水驟至乾禱天哀號依依不捨時比鄰廬舍盡沒而李氏屋獨存人以為孝感

董庭清明孝子其鑑季子諸生流賊破城冒刃救父父得脫庭清被害無子從姪位南盡出家財營葬勒碑以表越數日南死族人義之葬南於庭清墓側

郭天枚字亭植少穎悟能文章母沒哀毀骨立復孝事繼母其父為仇家誣繫獄枚就獄奉養寢食與俱卒以此致疾及父冤白而枚疽發背死

匡人仁字惠甫母卒弟人義尚幼父怒撻弟仁抱之號泣父卒

每朔望哭輒嘔血事後母孝後母弟貧仁出金安集其家仁卒遺孤幼義亦母事其嫂子視其孤

李正芳諸生父卒哀毀骨立廬墓三年不飲酒茹葷事孀母尤曲盡孝養嘗爲兄病刲股與姪析居田屋器具美好者皆讓以歸姪

朱文順字洪宇歲貢生少喪母繼母涂氏病垂危籲天求代獲愈復病風痿文順左右扶持躬親澣濯七年無倦容雍正元年郡守以孝行優獎

嚴肇仁字育萬母病目竭力扶持衣服穢器躬爲澣滌四十餘年不解母沒仁哀毀泣血尋卒

余蘄字秀川性孝友好施與弟四分析有年家漸落蘄代償宿

負招與同居族中貧乏者累次周給有負蘄數十金者病篤蘄往視取券對其人焚之

王鉉字汝埏監生力敦孝友孀母胡苦節撫孤子遠鉉友愛如同胞後遠卒胡遂以鉉爲己子鉉孝養備至母病刲股啖之愈後竭力爲母請旌

陳上啟弟上榮上發發蚤卒啟與上榮暨從弟楚華均敦友愛啟卒遺孤子錫封榮與楚華鞠若己子延師課讀補邑諸生榮卒華仍撫諸姪教讀不懈姪景程由選貢中經魁五世同居皆啟之教也景程詳宦蹟

汪屏翰父文璧嗜學不倦以攻苦致疾翰年方十五夜半刲股和藥以進璧食之不知也旋假寐夢神告曰汝有孝子可延

汝壽及寤詢知嗟歎不已疾隨愈

明學峻年十三母卒哀痛盡禮過於成人繼母易病危峻割股療之越數年易卒父復娶童氏張氏峻事之均如生母家貧與妻百計經營所得悉以供養因迭經哀毀年三十五卒咸豐十一年巡撫胡林翼為請 旌

徐學顯歲貢生天性純篤事父母及繼母曲盡孝養生平潛心經史品行端方同邑江希洞事親亦以孝聞孺慕之忱終身不改又葉敦泗勤學植品篤於孝友家素貧事親務謀甘旨巡撫胡林翼並為請 旌

辜寓僑父耄期得疾手足不仁僑奉侍六年不去左右父卒兄弟析居僑以家貧產薄悉讓之兄而身任逋負後僑稍裕迎養兄嫂二十餘年畢其喪葬

李鴻勳字俊生監生幼失恃事繼母曲盡孝思其父豪俠好義里中有稱貸無不慨然畀之書券纍纍山積父卒勳恐以追逋貽累悉召其人焚之其克承父志如此晚年尤精醫學廣儲藥餌以濟貧病

何珊字寶樹諸生父世振有隱德喜周恤貧乏珊嗜學能文天性孝友嗣母王氏沒珊痛哭絕而復甦者再遂得嘔血疾旋卒妻匡氏為督理家政時珊弟四俱穉幼匡撫之成人未幾相繼殂謝匡又為諸姪及姪女謀畢婚嫁里黨稱之

嚴錫麒幼失怙母丁病噎稍進食錫麒始食否則涕泣而已母疾革與弟錫麟佩珩同日剖股以進母沒偕二弟廬墓三年

墓前薦食如生時後佩珩病麒額天請代宗族鄉黨稱孝友焉

王淋諸生事繼母張以孝聞張氏前夫子貧屢告貸積數十金張疾篤瞪目視其前子淋曰母得毋憶若所負金乎取其券卽榻前焚之張笑而瞑

王盛典字蘭亭事嗣父母以孝聞父沒家貧無以奉嗣母乃授徒供甘旨己與妻茹麤糲融融如也及嗣母病手足痿痺牀褥污穢典躬親浣濯十年無倦色生平處己剛方非義之財一介不取

朱紫電家貧奉父母膳必親炊親沒廬墓三年後每值小除日詣墓所供飲饌新歲上元乃歸厯三十年無間

周飛鳴字豐亭歲貢生事後母以孝聞與後母弟乃鳴友愛尤篤乃鳴析爨後家產蕩然飛鳴招與同居終身無間

王枝栲枝杜性孝友母中年病痿栲負以出入並親滌污穢二十餘年弗倦及沒哀毀骨立殯葬盡禮兄弟暮年式好尤篤有伯康君實遺風

王皆坦祖母余氏苦節咸豐十一年賊至父枝溥負母避亂猝遇賊身被數十創急走得脫後溥病坦尙幼焚香告天刲股以進溥立愈時謂孝子孝孫皆苦節之報

劉光遠天性純篤母右脇患疽遠口吮之無難色母復病兩次刲股療之尋愈

劉賢鼎家貧織布爲業自幼順於父母父沒事母尤謹母病劇

乏醫藥日夜憂思遂詣觀音山禱於神潛匿龕下夜半持刀  
刺其腹割肝裹以紙廟祝望見神幄有赤光趨視見鼎跪神  
前腸壘壘滿地亟為納腸入腹東以布昇至鼎外家鼎泣謂  
眾曰請急烹肝進吾母勿以狀告母食之果愈越四日鼎以  
創死光緒八年 旌

蕪州

王御龍字時可明季寇亂家貲蕩析承平後御龍居積節縮家  
復饒兩兄蚤世以己財推與諸姪一無所吝子綏猷欽猷亮  
猷皆以學行稱同里有陳先架者兄子天撫其遺腹子至於  
有成鄉黨並稱其義

參通志

王廷詔諸生事父孝父沒與妻張氏侍母盡歡吳逆亂廷詔奉

母避於黑山洞口負米以養採橡自給值疆寇劫奪張以身  
蔽姑連受三刃寇尋釋之姑病疽穢甚張口吮無難色及沒  
詔廬墓三載乾隆五年與張氏並 旌

李由虞字宗舜少失怙育於伯氏來元事節母張氏及祖母以  
孝聞來元卒由虞居喪三年不入內寢五世合巽族黨咸稱  
其義乾隆十年以節母孝子並 旌又有李宗海者天性篤  
厚同居歷三世一門雍穆人無閒言孫華郁舉人為陳詩高  
足弟子

參通志

張仕秀字雲龍天性篤摯父病背癱為吮膿血母有目疾口舐  
其鬚及親沒廬墓三年繪親像懸堂中坐臥不離逢生忌日  
素服哭奠數十年如一日兄弟五人交相友愛有司上其事



為請 旌表

易為豫字二如諸生獻逆屠斬豫被掠繫賊營號泣思親水漿不入口賊渠温仲元曰此孝子也釋之豫歸闔門俱盡尸骸暴露拮据殯葬悉準於禮康熙中歲大饑豫力白大吏發倉粟賑救自捐穀四百餘石以助布政使徐惺題額獎之

李本甲字幼萌諸生父梃母曹氏明季皆以寇亂抗節死甲事兄本晟甚謹本晟為雲南布政使甲攜僕省之偶言先塋數失宰木本晟恚甚歸罪於僕叱之跪甲以為叱己也亦跪本晟掖之起且釋僕本晟撫浙卒於官甲聞喪奔赴哭之慟尋卒

王永壻字載侯母年九十壻依依孺慕與伯兄永垣仲兄永圻

愛敬彌篤以文行受知於知府于成龍于為顏其堂曰孝友傳家由歲貢生授縣丞未任卒

汪存濟號澤菴諸生事繼母段以孝聞有從兄避亂出亡濟遠訪諸滇南遂偕歸割已產之半予之著有滇南錄

李永芬號慕軒增生七歲執父喪哀毀如成人節母金備極孝養母卒茹蔬三年從兄弟析箸有負債者代償之姑母適韓而寡芬貸餉數十年姑老病將死遺銀餅數枚其嗣子莫知也袖還之乾隆二年舉孝廉方正

李由夏字奠川監生父病為嘗糞及沒廬墓每一悲號行路心惻母病露禱求代病尋愈平居事親出告反面飲食必親奉凡時物未進父母不敢嘗乾隆十七年 旌

王興鑑字德操幼執父喪若成人母病依依牀第母沒廬墓事諸兄甚恭三兄相繼沒均家貧無子鑑經紀其喪並割己產以贍嫂

李大生字映寰諸生少事父母以孝聞母病諸弟幼大生晝夜哭泣兩目盡盲禱於文昌神神示以夢吉翌日母病愈大生目亦明

余載廣字應煌父病危割左股煮糜食之愈未幾母病割右股和羹妻汪亦割股進弗瘳兩親繼逝廣哀泣如孺子苦塊三年不入內寢

蔡明璋字莪士諸生父病為嘗糞母病割股療之叔父負債逋亡罪累璋父幾斃獄中璋白其冤事平復行乞遠求叔父遇

於懷甯迎歸平分已產事之如父

蔡明謙字受益年十六失怙友愛諸弟其季弟母尤愛憐之明謙默體母意當母病革時呼季至榻前以母所蓄金數百悉予之

蕭韶號蒲溪監生少孤事節母董盡孝母厚於族戚韶竭力承母意家中落僅有田七十畝其從弟以債負勢窘甚韶盡售其田代償之以舌耕自給

張忠取父病偏枯取晝夜扶持五載如一日父沒廬墓三年母沒亦如之州牧劉給有孺慕天真額

王泰安字漢光諸生貧無妻授徒里中每日自塾歸為母炊爨母老衣裙皆躬親浣濯終母之身無懈又兩弟以貧故遠出

秦安咸召歸以筆耕贍給之

王元長家極貧道光七年閏五月山水驟發瀕湖民居多漂沒元長茅屋數間母棺在焉倉卒無措大慟以身縛棺隨流入江浮沈三十里忽反風水逆行浪捲母棺並元長近所居沙岸止焉鄉人感之醵錢葬其母延元長爲村塾師大同巡檢邱炳以其事聞於州知州林寅召元長慰問甚厚時州試已竣知元長以貧故久不試特予補試並助資斧是年遂入州庠郡邑人士咸賦詩美之漢黃德道周凱爲作王孝子歌梅紹先天性敦篤少時卽知色養旣壯父病革紹先焚香夜禱不應乃走赴橫岡山真君廟叩首神座前請以身代起趨山後之舍身崖崖去地數百丈紹先奮身下投住持僧驚覓之

見安坐崖下無恙詢其狀紹先茫不自知也使人舁歸則父病已少閒矣後父沒廬墓三年學使者王嘗額獎之

黃大綸號雲山昆季五人綸爲嫡嗣其四皆庶出也綸處兄弟恭而和故四人亦愛敬之晚年羣議析箸綸不得已悉讓膏腴母病久湯藥必親嘗衣污垢躬自洗滌十餘年如一日焉余松齡諸生性誠篤自甘藜藿奉親則極甘美母患痰疾臥褥不能嘔松齡常手接之家貧與弟長齡藉館穀度日每節序歸篝燈伴讀一室閒怡怡如也

江開泰號平階監生事繼母何盡孝年六旬猶依依膝下狀若孩提母病篤泰取糞嘗之病旋愈學憲王獎以額

陳良吉幼孤年十三侍母疾衣不解帶者七日夜疾甚淚下沾

衣目盡赤陰割左股以進母疾漸瘳越三載母沒廬墓數年  
鄧瀛塋號鶴亭監生內行純備兄瀛洲有伯道憂以子儒嗣之  
族弟姪之貧難娶者為置產完娶俾各有後祖塋碑碣伐石  
徧立其他修譜建宗祠設義學諸善舉皆捐貲玉成之  
會會章農家子貧無妻自啖野菜力謀羞餽以奉母母病中裹  
廁膾必親洗滌嘔痰則以手承之母卒廬墓三年不食鹽酪  
知州黃式度以純孝性成額獎之後入天竺山不知所終  
蔡兆元號錫之諸生初居祖母喪數日不飲食母病兆元日夕  
服侍衣不解帶弟兆廉病疽吮之不愈慟哭幾絕州人習其  
事為請 旌表

朱舫號月帆增生少喪母終日號泣寢食俱廢事父能先意承

志季弟年未冠勤勤訓誨期於成立年三十一卒族里哀之  
彙其事為請 旌表

廣濟縣

劉登仕字希卓性醞謹事父母以孝聞母病咳唾污穢躬侍榻  
手浣衣不解帶者累月母卒哀毀骨立三年不入內值歲荒  
蠲廩賑饑全活甚眾卒祀鄉賢子茂溶詳宦蹟自理自有傳  
陳文允諸生父病劇親嘗糞父卒居喪廬墓事繼母亦如之乾  
隆四年 旌

蘇元周靈東鄉農民竭力農事以盡孝養親沒廬墓哀切鄉族  
稱之乾隆四年 旌

呂和寬監生幼事雙親克盡子職親卒廬墓乾隆六年 旌

劉銘璋事親至孝親沒前後廬墓六年事祖母亦以孝聞乾隆十四年旌

陳治國母病痿痺偕婦王氏左右就養始終不懈親沒廬墓三年乾隆二十八年旌

張思斗字裕公諸生少失怙遭左兵擄入營夢神人引導得歸母胡因失子喪明斗舐之隨愈子天聘亦孝友同居六世無閒言好行善事捐修鳳港橋及郭家壩

吳熊字四維歲貢生髫齡侍親疾祝以身代不藥而愈弱冠失怙恃哀毀骨立明末寇亂人多竄伏熊獨操畚揭填墓遇賊斷右臂不去屈親忌辰至老猶匍匐至墓號泣如舊時

楊承緒字振宗父卒繼母劉苦節撫之緒好讀書而體弱善病

母以為憂緒因善自保護外祖貧緒迎養之母病泣禱願以身代沒後哀毀盡禮廬墓數年哭奠不輟

劉自理字明水登仕子監生甫二齡母徐卒繼母李愛憐之稍長知身自徐出時於無人處掩泣年十二葬母離家三十里伏冢呼號徹晝夜父誘之歸不聽禁之不可廬墓三月彊攜以歸父沒哀毀骨立居繼母喪亦如之子洪度詳忠義

李繩武字昭遠諸生少依父母流寓興國常採薪以易甘旨父固名宿館穀豐盜入室以火燎鐵器灼其父武號泣跪求盜感去母沒盡哀既葬廬墓父不許乃朝夕往哭奠父沒廬墓三年又鬻產創立宗祠並贍鄰族

魏芝芳字蘭若父病割股和藥以進明季賊至父被擄傷痛幾

絕後母又為賊所執芳號泣願以身代賊義而兩釋之一日  
匿母深谷自出覓食以養賊突至母遇害芳竭力葬母廬墓  
側日夕悲號子尚忠詳篤行

龔必勘字允武武生膽略過人有羣盜入室執其兄勘持挺奮  
擊得脫後應試郡城聞母訃一慟幾絕歸營葬事冒雪渡江  
舟人欲緩渡勘叱曰母喪在堂敢以風雪阻耶促解纜中流  
舟覆溺水死妻廖氏截髮茹素苦節終身

伍正遠八歲母卒擗踊如成人父病疽遠口吮膿血復割股和  
羹以進病尋愈後父沒廬墓側置家事不問家人感之男婦  
五十餘口和睦無閒言

藍士秀字文昭諸生有夙慧工詩文授生徒以供甘旨父母病

衣不解帶者數月居喪茹素不入內室視弟遺孤如己子

金德崇字峻公之純長子事母李至孝李卒未有葬地崇食糲  
衣麤殫心計營兆域弟德嘉病咽喉劇崇禱天願以身代初  
補邑諸生為文伸紙疾書不加點竄與德嘉俱負當時名後  
餼滿上春官暴病卒著有草窗雜錄祀鄉賢

胡棟元事母孝家貧釀酒為業日出為人釀夜必歸省或予以  
肉食必懷歸進母母病劇持香楮禱於橫岡真武廟誓以身  
代禱畢投捨身巖下竟不死僅損一齒昇歸母尋愈又有藍  
愷文胡士爵者均以母病禱神投巖代母母病皆獲痊

戴邦材字大勳父千智葬其父華玉於瑞昌廬於墓側邦材不  
忍父獨處隨居三年後邦材母沒亦廬墓三年臨終時囑其

子以己棺從葬父墓

金業講字能侍諸生父啟汾病劇業講刺指血書疏願以身代  
既沒廬墓三年晚主講本邑江漢書院後學多所成就溫學  
使兩次獎其優行

劉文德字大型其先塋在蘄州之沙徑一日舟載祖父母櫬  
往附葬遇大風雨舟覆文德抱其櫬浮沈巨浪中悲號不已  
忽泊岸若有推移之者人以為孝感吳學使旌其門弟斌諸  
生居親喪廬墓三年

吳世炎諸生父病反胃日事湯藥一切不假諸人母患痿痺舌  
聾不能言世炎進衣進履適如其意胞叔校苦病久世炎亦  
侍奉罔懈學使邊以白髮丹心旌其門

胡之璽字欽若諸生十齡父卒哀毀如成人母沒殯於室值火  
災擗踊哀禱遽反風柩得無恙黃岡曾益之來濟一見如素  
交館餐無倦曾妻死為治喪葬曾尋卒亦如之士大夫高其  
誼

劉之烜字暘孚事孀母張氏孝身無完衣而親膳必豐母病焚  
香默禱願以身代既沒水漿不入口數日悲痛終身仲弟之  
焜妻孥迭喪族兄有赴岑溪任者之焜偕往有畱粵意烜匍  
匍數千里挈以歸憫其無嗣為置側室時焜年踰六旬得生  
二子

董可棟字陳九諸生事親孝與弟同爨六十餘年未嘗有疾言  
遽色江右田姓居莊側鬻子葬妻棟陽收其券予以棺既殮

黃州府志 卷之二十三  
召其人焚之

吳清字恆達祖兆岐以清長而能文授錢百千助膏火清用以置田累積至五石有奇析簪時與諸弟均分凡所負債清獨售己產償之人服其義

董永璫字聯珠母病痢四十餘日璫手滌穢衣及卒哀毀骨立逢父母忌辰齋戒祭奠有佃某歲祲鬻妻璫出金使贖之並給牛種

張世璜字翠軒諸生與弟世琮最友愛雖一食之甘必分也妹一適阮貧寡無子璜養贍之終其身琮字碧軒縣丞銜樂行善事道光末歲大祲市餅餌以給飢人精岐黃術有延請視疾者並購藥予之

楊家潮字德海有至性父承繁病火結如廁苦不能下潮日摘其糞出之諸兄蚤年析爨未幾俱卒潮日往來諸姪家代爲經理雖夜雨不少間中表某窮無所歸收養三十餘年沒復爲之營葬

陳金鬯字海珊優廩生少失侍事繼母如所生母病頸癰鬯口吮膿血病以痊父之殯善病鬯侍湯藥恆累月衣不解帶父沒哀毀致疾卒

范溥高傭工養親父沒守墓卒於墓舍族人哀之斂錢以葬張錫穀諸生年三十二喪妻父年逾七旬穀以子兼婦職父病親爲嘗糞衣不解帶者數月里人皆稱其孝

黃梅縣



陳文炳字夏玉諸生事節母殷色養備至撫弟教育有成尤篤友誼受某姓遺孤終身不負其託以學行見重於時年九十餘卒子其雯志陞俱詳篤行

梅如岡字凌遠諸生性敏勤讀書侍尊長恂恂為一門子姓主進則悉奉其頤指長幼內外均無閒言孫兆龍字六陽諸生饒才幹輒傾貲濟人急嘗為外戚洪姓贖產又請諸外氏柩葬己山並割田保墓鄉里尤義之

吳宏勳字治房諸生事後母孝撫三弟皆成立嘗構三樂堂與諸弟講習其中自題有事親最樂為善最樂讀書最樂之句洪明字慕齋諸生為文澹逸古樸以闡試母卒不與殯憤棄功名日夜號泣成疾卒

程之立字位侯諸生蚤孤事母孝歲儉產落必具甘旨母疾三年侍湯藥不懈母卒結茅墓側晨夕哭奠有馴虎夜鳴若助哀者積傷成疾卒妻陳氏苦節終身

吳楚奇字少池九歲割股療父病後官四川名山典史告歸孝友為鄰里矜式父卒守墓側不忍離刻木肖像以祀

吳光業字敬修侍父病衣不解帶者數年父沒廬墓三載黃利通嘗贈以詩

汪醅厚孝事父母人無閒言母沒廬墓三年道光七年邑人士以孝行舉學使王給額獎之

張先達字登鼇性謹厚篤內行道光七年邑人公舉孝友學使王獎之

王雲開父蚤逝事孀母孝養備至與兄弟怡怡以承母歡母卒廬墓側刻木肖母像朝夕奉祀

梅光藻字治圃閉戶讀書居近市人罕識其面者幼長於嗣母日依依孺子慕母病劇醫稱宜下但糞味忌甘藻親滌械窬嘗之哭禱聲震鄰里數奇未遇教子孫皆成名

黃鳳高家酷貧妻亡無子不能復娶母老患癱臥牀褥飲食澁溺鳳高輒抱持上下日以備藝微貲供養餐旦出晚歸按期無失如是者十餘年母沒絕粒不食死同邑喻文鏐為之傳孫文光諸生父病足疾朝夕負之出入數年不懈父足尋愈母目疾幾盲醫治罔效光每晨舐之目忽明鄉里有忿爭輒為解釋

傅凌漢業農秉性篤厚弟燿妻許氏幼抱歸苦無乳漢以己所

生女出養他姓即以妻乳許氏燿讀書賴以成名

蔣芬諸生家貧父蚤卒奉母維謹兩兄皆抱痼疾芬以舌耕調護之竝為諸姪完娶後食指日繁至老不忍析箸鄰里有不肖者父老輒舉芬以相諷

黃上聘字雨亭少孤而貧資束脩以供母母善病誓不遠遊館徐宅去家五里攜弱弟授讀聘每歸省必負以偕慰母意也郡縣試每冠曹偶裔於過年甫四十以疾終

汪炳字兆麟咸豐己未副榜好學篤內行事繼母尤曲盡其孝母老且瞽炳負之避亂爾足深山艱苦萬狀一日猝遇賊詢其故反憐而釋之論者以為孝感

項榮善字吉甫監生幼孤孀母程病筋骨三十餘年善視湯藥罔懈避亂負母趨湖濱母卒未殮賊突至善守哭甚哀賊感而去後載柩渡湖遇風舟覆善繫棺於身誓以死殉漂泊里許卒獲全葬後廬墓有馴雉巢其側

李振展字時來母沒廬墓晨昏哭奠枯桐為之復生鄉人摘其葉傳而觀之同姓有名振剖者字本初執親喪七日不食及葬廬墓三年學使王額其堂曰篤孝

帥遠誥咸豐間值粵逆亂奉父母避山中力耕以養諸弟出就學雨雪餽食無稍缺伯母老無子迎入山事之如母同治六年春賊猝至父病誥負父趨山巔次負母賊已逼近念伯母猶在舍復往負之中途遇害

者壽附

宋

黃梅縣

黃眉翁姓名無考年一百六十歲見隱逸

元

黃梅縣

楊俊字士元初為諸生後棄書覓石龕古磔山中優游偃仰年一百二十歲見隱逸

明

蘄水縣

陳觀峰有隱德年百歲王志推聞

麻城縣

惠州知府梅吉年百歲 見葉向高撰梅國禎神道碑

劉鸞珪年百二十歲 見鶴林錄

廣濟縣

劉杲年百有九歲 見縣志陵墓

黃梅縣

劉珏生平以利濟為事年百二十一歲 王志撫聞

胡仲冕壽官敦行尚義年百歲

國朝

黃岡縣

張長亨精岐黃術年百有九歲

監生王炯年百有七歲光緒元年題請建坊給七品頂戴

袁殿選年百有四歲 袁昌泰年百有三歲

韓士忠年百有二歲題請建坊給緞疋併昇平人瑞額

周必奇 方明定 皆年百有二歲

華魁叟 見篤行 監生雷開甲 華同才 郭元義 嚴長春 以

上皆年百有一歲

屠應蛟 胡來通 見隱逸 生員於心實 生員洪世永 袁文衡

見于清端政書 沈家琮 道光二十八年詳請學憲額獎 劉植玉 董繩武 謝文德

高文富 楊法毅 許士龍 盧佐秦 陳錫球 陳啟才

陳巖 周宗崙 周宗成 李光前 陶華榜 郭文有

監生王朝棟 合浦知縣方本貴 王正憲 林開和 光緒七年

詳請 旌表 增生孫開煥 以上皆年百歲

蕪水縣

馮益三年百有八歲 章元貞年百有六歲

汪永漢年百有五歲 南建華年百有三歲

杜能舟年百有一歲

王士信 錢文祿 夏觀道 皆年百歲

麻城縣

潘光烈家貧嗜學暮年精力不衰咸豐九年

恩賜翰林院檢討同治六年詳請建坊年百有二歲

劉以甲年百歲

黃安縣

吳應剛年百有六歲道光閒題請建坊 見縣志 善行

羅田縣

李必秦年百二十七歲 黃錫恩年百一十六歲

李季隆年百一十四歲 李必芳 李道壽 皆年百一十三

歲

姚洵年百一十歲 李必泰 祝一燭 皆年百有七歲

李必取年百有六歲 張啟榮年百有四歲

吳國利 張啟興 岳池教諭周玠 生員歐陽繼淑 皆年

百有三歲

高鳳國 李金約 李必楹 李一富 張啟華 皆年百有

二歲

匡明山 許德眾 張拱北 皆年百有一歲

黃金石年百歲

蕪州

監生胡其俸年百有五歲

胡海洲年百有三歲題請建坊給昇平人瑞及五代同堂額

王德洲年百有二歲 朱成岩年百有一歲 翁效太年百歲

廣濟縣

劉斯江年百有二歲學憲游給以熙朝人瑞額

宋展書年百有二歲

阮士鼎 宋美白 皆年百歲

黃梅縣

汪鴻年百有八歲建坊 尤文華年百有三歲建坊

李玉書 張得義 皆年百有二歲

監生桂德修 陳方泰 皆年百有一歲

周鳳彩 李錦蘭 胡春太 胡日章 皆年百歲

累世同居附

元

黃梅縣

陳子英十世同居見孝友

嚴仲祥九世同居天曆中旌表義門見孝友

明

黃岡縣

張鳳來五世同居見篤行

蕪水縣

王燾七世同居見孝友

蕪州

胡從瀾五世同居見篤行

國朝

黃岡縣

鄧一隆八世同居雍正元年旌表見孝友

貢生陳履謙道光十二年旌表見孝友杜咸亨見孝友杜鍾大承仕傳

烈闔門三百餘口殉粵匪之難十數人以上皆七世同居

劉學開道光六年詳請學憲額獎宋清泉皆六世同居

劉學剛道光九年詳請學憲額獎胡宗返道光八年旌表杜維學見孝友杜承仕傳邱安

衡道光十二年詳請學憲額獎王正憲歲貢黃自宸見縣志生員羅應

鯤咸豐十一年旌表程敦極郭言檜詳請學憲額獎以上皆五世同居

藍有德見通志吳大裕嘉慶二年旌表廖澤厚道光二十八年詳請學憲額獎左順

邦 羅大琮 監生雷朝鼎 生員丁杰 朱斯德 監生

張周六光緒年旌表孫宏學 孫之順詳請學憲額獎增生孫開煥

曾光灼 張可稱 張之業 曹同倫 周宗遠 監生吳

大玉 程大醅 監生王朝棟 以上皆五世同堂

蕪水縣

監生楊璧臣見縣志湯昌貴見縣志皆七世同居

王學典見縣志章運明見縣志皆六世同居

王炳忠見縣志附貢陳旭升見縣志彭應華見縣志恩賜副

榜王守中見縣志以上皆五世同居

華廷訓乾隆五十一年詳請 旌獎給瑞翟永銳見縣志程序

榮見縣志黃觀瀾見縣志徐本恕見縣志以上皆五世同

堂

麻城縣

郭尙道六世同居道光十六年請 旌建坊見孝

熊鍾五世同居見孝

監生熊之義見縣志田承先見縣志劉以甲見縣志皆五世

同堂

黃安縣

張齊堯七世同居見縣志

帥文秀見縣志監生耿炳秀見縣志鄭宏陞見縣志徐瀚見縣志

友志孝監生王治璧見縣志職員何體乾見縣志以上皆六

世同居

吳見縣志生員張鳴鑾見縣志以上皆五世同居

增生張鳴珂見縣志增貢秦大樟見縣志邱顯庸見縣志以

上皆五世同堂

羅田縣

葉中組 高傳梅 皆七世同居見縣志

周祚興六世同居見縣志

監生閻道緩 監生葉原中 李善滿 許飛鵬 閻道永見俱



縣志 孝義 以上皆五世同居

周昌潤五世同居見縣志 孝義

蕪州

廩生王士達七世同居見篤行

朱萬彩六世同居見篤行

生員田登甲 增生胡藻 生員胡啟錫 監生王煌

監生吳紳秀 監生吳洪杰 監生陳法震 陳學訓 邱

金鳳 余勳 胡海洲 駱如川 監生田正明 田相

詩 朱和地 胡來和 張如墉 周正喜 監生蕭世珀

王耀泰 朱宗貫 監生黃大綱 王楚魁 王德洲

監生陳協律 王旭升 鄧紹模 裴善英 職員駱長裕

胡宗一俱見州志 壽民 張國耀見州志 正直 以上皆五世同堂

廣濟縣

洪自逸七世同居見縣志 百歲翁

張天聘六世同居見孝友 張思斗傳

劉達章 生員殷輅俱見縣志 孝義 皆五世同居

余錫臺 張起珍以壽給八品頂戴 俱見縣志 百歲翁 洪自逸 皆五世同堂

黃梅縣

尤文華 尤明義文華次子與父 俱 旌表建坊 監生項心安俱見縣志 義行 皆五

世同堂

補遺

蕪水縣

黃州府志卷之二十三  
封職潘煥南五世同堂

縣册

孝友補遺

國朝

蕪州

蔡于燕字平若幼穎慧嗜學年十二父母相繼亡于燕居喪號泣之聲不絕既葬廬墓卽墓廬讀書十九補諸生尋食餼品誼爲士林推重子世華字樸先諸生性醇謹人有爭執得片言輒冰釋戚里不給必推館穀周之曾孫恆山號荻灘積學能文事節母盧至孝兄故撫姪成立知州曾獎以額舉鄉飲耆賓

黃州府志卷之二十三終

